



De Kwakel is ein oetgave van ut Kwakel-comitè
Karnaalsvereniging de "MOEREBUUK" ELL

De Kwakel

1999

Prins Renè 1



In de orde van ut
winkelkerke


47e jaargank

Bèste Moeëre en Moeërinne:

Op ut moment dêt gae dit laestj, zeen wae weer tevreje.
Want gae höbtj de vastelaovesvereniging weer gesteundj
door middel van eur biedrage aan deze Kwakel.
De opbringst geit weer wie anger jaore bestumtj waere
veur de zeke, de bejaarde woeënendj in bejaardehoeze
of verpleeghoeze en veur de jeugd, jeugdmiddig op
vastelaovesdinsdig.
Wae winse uch euverigens hieël veul laesplezeer en hope
dêt de vastelaovendj weer zal zeen wie veurgaondje jaore.
Den kan de vastelaovendj in Ell neet mieër kepot.
Wae wins alle Eller minse, mer in ut besunjer Prins René en
Prinses Monique eine hieële sjoëne vastelaovestied.

De Redaksie.





Beste Moeërebuuk en Moeërinne,

Wannieër wae het aafgeloupe jaor de revue laote passere den wille wae der het volgendje van zègge: het waas fantasties en het

waas indrûkwèkkendj, het waas vermeujendj en toch waas het zoeë snel veurbie, het waas kei-sjiek en het waas oetdagendj. Het oetkômme waas ein zenuwslopendj avontuur op zich, het wachte en het wachte en het wachte totdet ich eindelijk met mien Fiatje door de deure van de zaal kôs riejende en mien audiovisuele proklammatie kôs laote zeen (en huuëre). Nao geïnstalleerdj te zeen als Prins Peter II begôs veur mich en veur Prinses Lilian ein onvergaetelik jaor en saame met mien drie adjudanten Huub, Peter en Erik (en aanstaande adjudante-vrouw Mariëlle) hûbbe wae geprobeerdj om der iets van te maake.

De receptie waas knallendj en der waardje flink op los getrommeldj. De sleuteleuverdracht waas zenuwslopendj. Het interview veur de zeekenhoesomroep dao in tege waas ontspannendj. Het bezoek aan de 80-plussers en aan de zeeke waas ein belaevenis apaart en zal ich noeës vergaete. De vastelaovesdaag woore drûk. Het rûndjgaan door het Moeërelandj en in de Moeërekroeg met eine groeëte raad en mèt echte gooj muzikante waas ein groeët fieëst. Van de optocht kan ich allein mer zègge: ich woej det der eeder jaor zoeëne sjoeëne optocht waas. Het aafsloeëte op dinsdag waas emotioneel.

Ich, en nateurlik auch mien prinses Lilian, wille ein woord van dank richte aan:

de adjudante veur de steun en de hulp, de raad van Elf, en nateurlik auch de dames, veur de gooj samewirking, Vorst Jan, de muzikante, de familie, jeugdprins Rick en jeugdprinses Jill en verder eederein dae zich heet ingezatte òm van de vastelaovundj ein groeët fieëst te maake.

Wae winse Prins Rene I en Prinses Monique ein onvergaetelik jaor toe en doon det ònger òs motto:

**Met dees daag blieve wae aanne gang
Want wae zeen veur ein bitje neet bang**

Prinsepaar 1998: Peter en Lilian.



Moeërebuuk en Moeërinne

Noe ich dit stükste aan 't schrieve bin, veul ich mich 'n stük rûstiger. Waat waas dêt unne spannendje tied.

Toen ich tiedens 't Prinsebal d'r oet kwaam as Prins René I veel d'r auch hieël vûl van mich aaf. Saame met mien Prinses Monique en mien adjudanten hebbe wae van 't Prinsebal genoote. Auch de leedjesaovendj woor weer ein groeët sukses en unne dikke merci aan eederein dae deze leedjesaovendj tot ein sukses heet gemaaktj.

Muziek huuërdj bie de vastelaovendj, zonger muziek staon wae nurges. Auch alle felicitaties en reacties woore

KEI SJIEK!!!

Auch aan eederein vanne Raod unne dikke merci veur alles waat dêt gae veur os al hûbtj beteikendj, zeeker in de veurbereiding want dêt is unne belangrieke mer speciale tied. Saame met mien Prinses Monique, Adjudanten Bert, John en Hans, de Raod, Jeugdprins Ramon, Jeugdprinses Lionne, os collega's in alle anger vastelaovendjrieke en de voetbalclub gaon wae d'r eine te gekke vastelaovendj van maake.

En dêt alles onger mien devies:

**AS LESTE PRINS VAN DEZE IEEUW, DES UNIEK
VASTELAOVENDJ KEI SJIEK !!!**

ALAAF, Prins René en Prinses Monique.

PROCLEMATIE VAN JEUGDPRINS

RAMON: Ich ben Ramon, de jeugdprins van 't moeërelandj.

LIONNE: Ich ben Lionne, de jeugdprinses van 't moeërelandj.

RAMON: Ich ben de aodste zoon van Hub van Camp.

LIONNE: Ich ben de dochter van Jeanne van Tjeu van Gele Lei en Wim van Jan van de PLEM.

SAMEN: We zulle uch dit jaor lieëre, det auch minse die neet plat kalle, good carnaval kunne viere.

RAMON: As mien rechterhandj kees ich Jos as adjudant.

LIONNE: As mien rechterhandj kees ich Maartje as adjudant.

SAMEN: Dus dit jaor zeen Maartje en Jos samen de klos.

We hubbe allebei veul gemein,
dus dees carnaval geit wie eine trein.

LIONNE: Computeren vinj ich harstikke sjiek.

RAMON: Auch ich ben eine echte computer-friek.

SAMEN: Op de piano begintj 't al aardig te lukken,
want we speule al hieël ruig stukke.

LIONNE: Van het wereldnatuurfonds zeen we allebei lid,

RAMON: en det doon we met hieël veul pit.

LIONNE: Op volleybal en tennis, mep ich der goot op los,
de tegenstanjer is altied de klos.

RAMON: Postzegels en munten hob ich eine hieële haup,
ich zurg det ich der geine verkoop.

SAMEN: Veurig jaor zoten we met de sjoel edere daag in de kroeg,
dit jaor hubbe we aan carnaval genoeg.

LIONNE: Noeëw kleier maken de vrouw of man,

RAMON: Dao wetj dees raad van elf noe alles van.

LIONNE: Met de raod van elf hubbe we nog get leuks veur de boeg,

RAMON: We gaon nao Polen met de hieële ploeg.

LIONNE: We zulle dit jaor noch hieël get beleve,

RAMON: want in de volgende ieëuw hooven we pas
de scepter aaf te geven.

SAMEN: Hossen, springen, zingen,
det zeen met carnaval de belangrikste dingen.

Van meziek houjen we allebei en daerom is oos motto:

**MET DE PIANO BIE DE HANDJ,
TOETSEN WE OOS DOOR UT LANDJ**

Weurdje vorst Jan

Moeërebuuk,

De leste vastelaovendj van dees ieëuw, van dit millennium steit veur de deur. Wae gaon probere oom det tegooj aaf te sloete. Oze 48ste prins, Prins René 1, zal det oongetwiefeldj op zien meneer doen. En ich gaon dervan oet det wae hum hie allemaol bie steune.

Mer....

De vastelaovendj kintj neteurlik periodes van ups en downs. Nao ein grandioze periode midden jaore '80 - jaore '90 mote wae zegge det de aandacht van 't groeëte publiek minder weurdj. Steeds minder minse zeen genege oom met de vastelaovesdaag zelf oet te gaon. Det geldj dus neet veur de optocht en al oos anger activiteite wie de boontje aovendje of senioremiddig. Det zeen activiteite woe veul talent en veul inzet noe boete weurdj gedrage en ich weit zeker det dees activiteite altiet op genoeg aandacht konne raekene. Woe 't aan 't verangere is, is gewuën 't oetgaon, iets waasse met de kermisse auch zuus. Det op stap gaon weurdj minder, zoeë mote wae constatare. Oom die reje hubbe wae 't programma nao de optocht op maondjig aangepastj. Oomdet de meeste minse nao de optocht oppe bein zeen, zal auch de Raod van Elf met prins en gevolg drek nao de optocht roondj gaon trekke. De priesoetrekking vanne optocht zal daoroom auch oom 17.00 oor (= vief oor) zeen inne zaal. De rest van de activiteite met die daag (sleuteleuverdracht, roondjtrekke, jeugdborebroeloft) geit gewuën door wie wae gewindj zeen.

Moeërebuuk, tradities zeen der oom in standj gehooje te waere, mer de samelaeving verangertj. De kunst is oom allebei dees puntje met einanger te laote samegaon. Daoroom probere wae dit jaor met dees aanpassing derveur te zurge det de vastelaovendj blijft laeve wie wae det gewindj zeen.

Eine gooje vastelaovendj.

Vorst Jan.

6

Betaaldje jeugdspeler bie R.K.E.S.V.:

Nog veur de wintjerslop leep der ein jeugdspeulerke op ut veldj, dae vief gulje waerd waas, namelijk Thom Peeters. Hae haaj veur zien good rapport van Opa Roy ein muntje van vief gulje gekrege en omdê der bang waas ut kwiet te rake, haaj hae ut veur de zekerheid mer ingesliktj.

Mam en Pap nateurlik in alle staote toen ze dêt huuërdje. Zie met heure spaarzame zoon nao de dokter, dae heur geliek nao de röntgen doorsteurdje. Oppe foto waas ut muntstuk good te zeen aan ut oetinj vanne maag. Dêt waerdje dus eedere daag reure oom te controlere of ut viefke oetgepoeptj waerdje. En eederein waetj waal asse inne strontj geist reure den geit ut stinke. Len en Geer wore der dus good ongemoedj van. Mocht dêt stomme geldstuk binne bepaaldje tied neet langs de ongerkantj teveurschienen kome, den most der operatief ingegrepe waere.

Gelökkig haaj dêt reure nao ein gooje waek waal succes, want oeps dao laag inne broene brij gêt te blinke. Hoera, eederein bliej, want al waas ut gaetje nog zoeë klein, Thom's vief gulje mochte der weer zeen. De redaksie vanne kwakel geuftj Thom eine gooje raad, asse nog ins geldj wils inslikke num den ein briefke van f 10,00 of f 25,00 of f 100,00 dêt deut minder pien met slikke en poepe.

En asse ut den oetpoepe is meteen de k.... aafgevaegdj !



7



Ein ongelukske met dees daag
det is om te verrèkke
Laotj uch van te veure bie
Knapen good dèkke



**Zeuktj gae ein louk
plantje veur inne kamer
of get zaadjes om te pooten
of eine sjoene bos bloeme
den motj gae ins ble de
specklist op det gebled,
Verhaag, aankoome**




Hubtj gae
kabelwerk ?
Den is
van Geleuken sterk.



Zeet gae op zeuk nao stief, gae of wal
Thea heet dao de noewwe winkel met vol

Wis djer al :

- Dê kegele wisselvallig kan zeen.
- Dê Sjeng vanne Hennis in ein waek 8 kieër ein 8 goeëtj.
- Dê der ein waek later 8 kieër inne geut goeëtj.
- Dê J.W.E. weer eine sjoene klender heet oetgebracht.
- Dê Avanti 25 jaor ein gemingdj koeër is.
- Dê Avanti sjoen kleijer heet gekrege.
- Dê de voetbalclub kans heet oom kampioen te waere.
- Dê ze den auch alles en mieër môtte winne.
- Dê de vrouweboondj dit jaor heur 60 jaorig bestaon heet geveerdj.
- Dê ein team van de volleyballers wèktj veur ut naogelacht.
- Dê ze van dê team ein veur ein in verwachting wore.
- Dê de sjutteriej veul noeëw leje bie heet gekrege.
- Dê ut K.V.W. dit jaor auch 30 jaor besteit.
- Dê Marlies neet bang hoofte te zeen veur heur opvolging van ut catering bedrijf.
- Dê Yvette erg henjig is in die dinge.
- Dê Yvette mam good hulptj, en de aangeloupe kat instriektj met eine groeëte pot bona botter.
- Dê Evert en Tiny al 11 jaor bie de Raod zeen.
- Dê Jan en Elly der al 22 jaor bie zeen.



Sieriegels of betontegels
ein stuupke of ein poedje

Gaotj nao Wim, det is de man
dae det veur uch make kan



Likt gae mèt
uche fiets euverhaup?
Gaotj den nao Albèr
Want dao zeen ongerdeile en
gebroeëktje fietse te kaup

PROOST!



Eh dink waat alle
Moerebuuk weete mooge
Ble Tjou kinse ein
lekker glaas beer drinke
En det is zeker neet geboge

Laotj Marlies
get veur uch klaormake
den kintj gae ut uch
lekker laote smaake



De mik is dao zoeë lekker.



De vlaal is dao zoeë lekker.
Natuurlik ble Thijls, ooze weme bekker,



Klektj ins get dekker inne
speegel van Iris haar zaak

De gestraofdje:

Jimmy, ein vriendje van Thom, auch eine met douf oeëre, woeëse tege kals, kan op sjoëel neet stil zitte. Op zeker augenblik waas de juffrouw dit good meug en kreeg Jimmy de waarsjuwing dèt as der nog eine kieër neet stil zaat of weer oet de bank kwaam, den most der veur straof ein oor naeve de bank gaon staon.

Gae veultj ut al aankome, nao vief minute kost Jimmy aan ut oor staon beginne. Toen de tied oom waas en hae weer kost gaon zitte, vroeg de juffrouw, "Jimmy, waas dèt noe neet erg lang?" Woeëop Jimmy zich neet woeëj laote kinne, hae hieël druueg antwoordje; "Och juffrouw, ut is mich neet tegegevalle." De vraag veur oos is, waas dit noe groeëtspraak of liektj der veul op zien moeder, die nao oos weite auch good gebektj is.




De sleutel:

Tiny van Evert waas bie her broor Jan aant poetse. Op ein gegaeve moment geit ze met ummer en poetsdook nao boeëte en weitj de deur achter her toe.

Dao steit ze den, kan nao vanalles geprobeerdj te hōbbe, neet mieër binne. Toen de fiets mer snel gepaktj en bie her moeder gaon kieke of dao ein reserve-sleutel laag. Mer helaas waas mam der neet. Niks aan te doen, Tiny heet nog mieër breurs, dus zonger jas (want dae laag auch bie Jan binne) door de rèngel nao de Craenestraot.

Dao zaat mam gelökkig auch, dus met 'n houp sleutels trök door de rèngel en is der toch nog gepoetstj bie broor Jan.



XX Derckx

Staalbouw
Derckx b.v.
Weert

Uche partner en
spesjalist in
staalconstructies

Zeukij gae ein struukelke,
ein buimke of ein plantje
veur in de tuin of achter
de hemelle



Den motj gae zeker ins bie
Linders aanbelle

bloome haoje van moere

Nog effe nao
Sjoeëheidssalon



Zuus se der good oet, den veuls se dich good.
Veuls se dich good, den zuus se der good oet



Veur ein lekker wùrstje
lepke of sjiefke
mer auch veur ein bieffe

steit ooze slegter
veur uch klaar



Veur speelgoed, ein leuk
presentje of veur hoeëshaoje like
zaake
ze wette bie Govaerts
der uch waal
get van te make.



Met die daag good aete!
Den motte wae zeker de
sjampions van Koolen en
Heijkers neet vergaete!



Wis djer al :

- Dê veul minse tiedes de vastelaovesdaag bie Rinus ut poesje van Jean (en Bart) hōbbe moge aaje.
- Dê Country Evert gek is op piercing.
- Dê de sloetspange oetverkocht wore bie Govaerts.
- Dê Jack van Susse hieël gêt spange kwiet kost.
- Dê ut hopelik neet besmettelik is inne raad oom piercings te numme .
- Dê ut mesjien waal henjig kost zeen veur inkele vanne raad.
- Dê de fanfaar aafgeloupe zomer ein eige muziek composiesie heet opgeveurdj euver de geschiedenis van Ell.
- Dê ze ut dekaor twee kieër hōbbe motte opbouwe, vanwege ut slechte waer.
- Dê daodoor de veurstelling neet minder sjoeën waas, want ut waas in ein woord geweljig.
- Dê Pestoeër Keller aafgeloupe jaor sjutterskeuning is gewoore.
- Dê dê aan ut waer auch niks vurbaterdje.
- Dê de sjutteriej de nuuëdige kieëre inne tooter heet geloupe.
- Dê ze Pestoeër auch haaje wille vraoge oom Prins vanne Moeërebuuk te waere.
- Dê de auto=s van Jeanne vanne Kaolder erg in trek zeen.
- Dê de noeëwe sjirtjes vanne dartclub nog neet veul goods opgeleverdj hōbbe.
- Dê ze nog steeds oongeraan staon.
- Dê se inne noeëw sjoeël ver kins kieke.
- Dê Frank van Stals Bart waal ins woeëj helpe met zeug insiminere.
- Dê Bart toen zag, ich wil allein mer nette bagge.
- Dê ze baeter ein hieël fles wodka kins jatte, den ein fles met ein klats wien.
- Dê Pietje van Nol dao alles vanaaf waetj.
- Dê de douane dit jaor in Ell actief is gewaestj.
- Dê ze alle vervoersmiddele gebroektj hōbbe van tractor tot vrachtwage, van moter tot fiets.
- Dê de doane baeter oom f 25,00 kōst vraoge as oom ein gedoeëdje frikandel.

Smakelik aete:

Ein zekere Mathilde oet Elle,
waas verzotj op frikandelle.
Ze lusedje ze waal eedere daag,
dus ging ze weer ins aanne slaag.
Ze haaj ze weer bienao gereit,
toen ging de telefoon veur heur,
waat ein leid.
Mèr wie ze sting te belle,
dacht ze neet mieër aan heur frikandelle.
Ut hundje ontfermdje zich der euver,
hae vonj ze lekker dae preuver.
Toen môste Pieërre en Til ut stelle,
met eeder mer ein frikandelle.



Wiltj gé ein leuk vloertje of wantj
laotj het betegelen door Peter v/d wer,
dé is 't beste in moeërelanj




VÉGIO VOOR
VERZEKEREN
IN DE REGIO

14

Vurgisse is minselik:

Ine Parre môst vanne zomer met de
Eller Jeugd gaon voetballe in Venray.
Met nog eine angere jeugdleider stap-
dje ze same op woensdigmiddig vol
gooje mood en veul voetbalzin in twee
auto's, woeë de jeugdspeulers allema-
al in ginge op weeg nao Venray.



Dao aangekome haaje ze ut voetbal-
veldj al snel zeen ligge en koste ze de auto's in ein van de
veule ziestraote parkere, zoeëdê ze drêk op ut voetbalveldj
wore. Tot den waas alles vlot en nao wins verloupe.
Ein paar eurkes later nao eine spannendje wedstried
waerdje ut tied oom weer richting Ell te gaon. Naodê
eederein zich gedouchtj haaj en weer aangedaon, kôst de
trôkreis beginne. De ein helft van de speulers leep al met
de collega leider van Ine nao de auto. Naodê Ine nog ins
alles gecontroleerdj haaj of der niks waas blieve ligge
vanne speulers ging ze met de anger helft nae de auto.
Mer helaas toen ze de straot in leep, geine auto. Wie kan
dê noeë, dao zal toch nemes met miene auto der van
tussedoor zeen. Nao bienao tweeë oore zeuke, straot in,
straot oet, ging Ine toch echt geluive dê der gêt mis waas.
Toen mer ein telefooncel gezocht en ging ze heure collega
belle of dae de auto nog gezeen haaj. Nao einige oetlêk
kwaam Ine der achter, dê ze aane verkieërdje kantj van ut
voetbalveldj gezocht haaj. Dus auch inne verkieërdje
straote.



Toen ze eindelijk de gooje kantj bereiktj haaj, waas ut
gemekkelik. En joa huuër, dao sting de auto nog.
Ein oor later sting auch zie met de angere jeugdspeulers
weer good en waal in Ell.

15

Kintj gae allein nog mer
veutje veur veutje
en neet heller,
gaotj den ins nao
Wies, Bep of Toos,
danoa laupjtj-der weer
sneller



Ble Stern
Inne Bachelorclub
Is ut good
Dao kriegjtj-der
genóg Grolsch
In uch blood



!!!
auch al steit met dees daag alles oppe kop
mienne service steit alitied veurop


Teniethechniek

Hub van Luute

Geluidsinstallaties
Tenielbevechting
Straumverzorging



Wiltj gae ins danse
of kriegjtj der dorst
Gaotj den ins binne
blej Ellenhof



Hubjtj gae last van uch spiere
in de bein of inne nek
Den is Beekman de juuste plek

Mupkes:

- Jantje dae thoes kumtj met zien rapport, zeet tege vader:
"Hiej is mien rapport en terwiel se ut doorkiekt moste mer dinke; as wae mer gezondj zeen."
- Twieë sjötte zeen aant wanjete. De eine is snipverkaoje en hooltj eine tesplak oet zien tes en dao roldj ut gebit oppe grondj.
"Hè, wooroom dreugst doe dien gebit inne tes en neet inne mondj?"
"Dèt gebit is neet van mich, mer van mien vrouw."
"Van dien vrouw?"
"Jao, den kan ze tusse de maoltiede niks mieër aete."
- Ich höb veul gelaeze zeet Driekske, mer toch zeen der twieë beuk die mich alitied good geholpe hōbbe. "Welke zeen dèt?"
"Ut kookbook van oos mooder en ut chequebook van oos vader."
- Biej Tjeu zoot ein stel aane tap gèt te aoihoore, wie Pietje opins vreugtj; "Wie kumtj ut toch dèt der zoeëveul echtsjeijinge zeen?"
" Ut getrouwdj zeen ", zeet Lieske hieël druueg.
- Sjeng kumtj sollicitere.
Oppe vraog waat der allemaol gelieërdj heet, zeet Sjeng; "leërliggezag eigelik niks."
"Doe bèst aangenome", zeet de chef.
"Dich hoove wae teminste neet mieër oomtesjoeëlle".
- Meister; "Welk bieëst heet ut bèste aanpassingsvermoge?" Pietje; "Ein hoon".
Meister; "Ein hoon?"
Pietje; "Jao meister, ein hoon, want die lèktj de eier zoeëdèt ze presies in ut dupke passe!"

Reparaties,
auto's
twieëdehands
of noew




Gaoij nao
Garage
Heemels
toe

**Bie ôs kintj gae
mèt vastelaovundj
daag en nacht tappe
Rabobank**


Wiltj gae thoes get sterks
drinke of zelf tappe
Den mot gae ins nao
Slieterie Bacchus stappe



Wiltj gae
uche vrachtwage
van ein anger
kleurke veurzeen
den motj gae
bie Peter zeen



Veur al eur loeënwèrk
Snel, good en neet deur




Dao hubbe wae Harry v/d Looy toch veur !

Haaj ich mer tegooj gekeke:


Jan en Margreet haaje in ut drukst van ut seizoen aafgeloupe jaor ein oetnuuëjiging veur ein broeloft op Laor. Bie Bertje in Wieërt waas ut te doen. Margreet ging op dae vriedig tusse de bedrieve door nao de kapper. Met man en macht waerdje der gewèrktj oom toch op tied veur ut inj vanne resepsie aanwezig te zeen. Margreet keek veur de zekerheid nog mer ins oppe trouwkaart wie laat de resepsie waas en woeë ut fieëst zich aafspeuldje. De resepsie doordje tot halfnege, dèt voonj Jan al ein gelök, den haaj der nog ein bietje speuling. Eindelijk waas ut werk aaf en koste ze zich wasse en aankleije veur nao ut fieëst te gaon. Toen ze in Wieërt Biej Bertje aankwome, zaag Jan dèt der iets neet klopdje. Der sting nog neet eine auto geparkeerdj. "Waat gek", zeet Margreet, "wie kan dèt noe, doe höbst zelf gehuurdj wie ich die kaart veurloos dèt ut hiej te doen waas." Margreet de auto oet en nao binne vraoge of dèt der ein broeloft waas. "Nae Mevrouw, vandaag is hiej gein broeloft." Zie teleurgesteldj nao boete, naodèt ze inne auto waas gestaptj, zeet Jan, "waat noe gedaon?" Margreet haaj in alle haost de kaart thoes laote ligge, dus toen mer nao hoes gereje. Ongerweges nog ins bie angere zale en fieëstgelenhede gekeke of dao mesjien ein fieëst waas. Mer nurges waas ut zoeë drök dèt ze zoeëtst dinke dèt der ein broeloft kost zeen. Toen mer richting Ell.

Thoes aangekome bekeke ze de trouw-kaart, en kwaame ze tot de ontdekking dèt de tied vanne reseptie enne zaal klopdje, mer dèt Margreet zich ein waek inne datum vergistj haaj, ut waas namelik ein waek later. Nao gèt gegrom en gevlook höbbe ze zich de auto mer gepaktj en zeen ze nao kinnese gegange, zoeëdèt ze toch nog gèt aane aovendj haje. En nao die broeloft zeen ze ein waek later mer weer nao toe gegaon. Baeter te vreug den te laat, den höbst altied nog gèt in ut versjeet!!



*Lebben en
gezondj*

In de kasse van Coolen
kintj gae kornkommers hoole



veur van alles en nog get
o a e j e
Bie Oaste vindtj gae det
bloem - kunst - kado



Wiltj gae eine goole pot beer,
veul plezeer en gèt gein.
Môt gae bie
de Prairie zijn

Môt gae motorongerdeile
of gèt anger spul,
gaotj nao Knapen,
want die hóbbe vul.



In de appele
of in de paere
Laotj ze bie Koppen
en Moors mèr gewaere

Moeëreboek of Verkeskop:



Inne vastelaovestied veultj Wil zich nog half
Moeëreboek en half Verkeskop.
Is ut den eine Verkeskop of eine Moeëreboek?
Mesjien kumtjse hiej nao de vastelaovesdaag
waal achter.
As se mer geine Verkesboek of Moeërekop
kriegtj, want ze mot nog steeds langs de
Spoeëkejaegers.



Rake Klappe:

Tusse ut hosse door oppe sjoeëne muziek van;
"Jao dèt geveul van vastelaovendj"
kom ich Jo vanne Kaolder tege.
Luid zingendj en zweijendj, en met ut ge-
mis van twee tenj.
Iets waat duudelik zichtbaar waas,
wie Jo aant metgaldere waas.
Mer Jo waat is toch met dich gebeurdj,
hóbbe ze dich op dien moel gehoudj?
Oh, ich hób gevochte, niks aanne handj (moel), wichter
maake geit aevegood nog.



Bril kepot:

Wim van Kessels môst in verbandj met sloeting bie de
Prairie, noe 's aoterdes oetwieke nao Café Biej Tjeu.
Smaale stoep, neet gewindj, struukeldj,
ziene bril aan gruzelemente.
's Maondes ging der met ziene aoje bril op
wërke en luptj zich tege de deur aan.
Gelökkig is de bril weer gemaaktj en is Wim
intusse gewindj aanne stoep Biej Tjeu!



Eltaria




gewoon gezellig ... hartstikke lekker!

Kepper Variété en Evenementen Buro

Kepper treedtj op veur jong en oud.
André & Connie organiseer tuieste
groet en klein.



Openinge, sluit, persconferentie en nog veul meêr.



Is der get neet in orde met
eur kat of eure hondj
Snel nao de dierenkliniek
want dao make ze die
weer gezondj



Veur eur dagelikse
boeëdsjappe, mer
auch veur get te
poste of eine zegel
te kaupe, kintj gae
bie Mart en Hennie
binne laupe.

Is euvernachte in ein hotel uch te deur?

Lantinga heet den
waal ein caravan
te heur!



Vreemdje talen
liggen uch neet?

Den nao
Custers
taaladviezen

Wis djer al.....

- Dê de babyboom nog steeds neet leeg is.
- Dê Joske ziene Elltaria heet euvergedrage aan anger minse.
- Dê wae weer ein good Prinsebal hōbbe gehad.
- Dê de leedjesaovondj weer geliek waas met ut Prinsebal.
- Dê die van Linje dêt gewōnne hōbbe met heur moeër inne handj.
- Dê Prins René de 48ste Prins is in oos Moeërelandj.
- Dê hae teves auch de lêste Prins is van deze ieëuw.
- Dê Linda van Har vanne Tup met Grathem kērmis de joong men bie j woeë houje met drinke.
- Dê heur dêt neet zoeëgood become waas.
- Dê de Moeëre van ut aafgeloupe jaor bie alle Eller minse good inne smaak vele.
- Dê Lemmehoof oomgeboudj is tot ein vekansieboorderiej.
- Dê ut waer aafgeloupe zomer veul in ut water heet laote - valle.
- Dê daoroom de volleybalclub geine groep heet gehad, ze kōste de tent neet opzette vanwege de storm.
- Dê de processie neet door is gegange vanwege de storm.
- Dê de Sebastiaanstraat toen veurniks zoeë sjoen verseerdj haaj.

Versloape:

Paul vanne Tup haaj zich versloape en kwaam dus te laat op sjoel.

De meister vreugtj hum: "Paul, woeë liktj dêt aan?"

"Jè", zeet Paul, "wae haaje gister verjaordaag van mien naefke oet Rooy en dao heet oos mam waal gêt veul wien gedronke, woeëdoor ze de wêkker neet gehuurdj heet".

Wiedê Paul dêt 's middes tege zien moeder verteldje, toen zeet Jeanne: "Mer Paul, ich haaj hieëlemaol geine wien gehad, waat môt dae meister waal neet van mich dinke".

Mer Paul haaj ut toch aevegood good bedacht.

HET KAN VERKERE



Ich drink mich eine borrel. En ging op weeg inne wereldj. Ich slingerdje van links nao rechts. Mer voonj toch de juuste aafslag. Totdê ich in ut audistekamp ein naaks vroumes zaag.



Miene sjrik daaldje, mer de rest gruudje. Wae dachte allebei inne zelfdje richting. Ein slippertje. Dus snel nao de tent. En dao in bed.



Wie ze zag dê ze de pil pakdje. Mich leêrst met ein bein. En toen met allebei oomkneidje. Maakdje ich eine snelle wip. Want ich waas goed volgetenktj.



Van oomdreije waas gein sprake mieër. Waal van 5,5 oppe sjaal van Richter. Want ze waas gein maagd mieër. Stop, reep ze opins. Want ut waerdje gevaorlik.




Ze haaj vergaete. Miene vriejgezel lewereldj stordje in. Nege maondj later beldje ze mich oet ut zekehoes op. Ut waas eine twieëling. Toen wist ich veur weem ich ging wêrke. 24

Gratis bie de reis:



De lêste jaore is ut erg in trek, de busreize met gratis kado's. Zoeë auch aafgeloupe zomer, ein prachtige reis, veur nog gein dertig gulje. Ongeveër 14 moeërebuuk en moeërinne oet Ell stapdje vol frisse mood en reiszin oom 7 oor smurges inne bus. Allein dao is mesjien ein naodeil bie de reis, der is namelijk altied ein demonstratie bie euver dekes of matrassen. Zoeë waas ut auch deze daag, mer dao steit weer tegeneuver dê se eine sjoëen kado met nao hoer kriegst. Bie dees reis waas as kado, ein 12 deilig koffieservies. Och, zagte de minse ongerein dao kinste altied waal gêt met doon. Op de oetnuuëdiging van de reis vanne daag sting ut aafgebieëldj met bleumkes in alle kleure. Mer wie ut zoeë ver waas en de demonstratie aafgeloupe waas, zoge ze dê op de kertonne doeëze, woeë de servieze in verpaktj wore, der versjillendje motieve en versjillendje kleure servies inzote. De eine voonj dit motief sjoëen de angere dê. Toen ze allemaol ein servies oetgezocht haaje en der met nao de bus ginge, waerdje ut efkes stil. De eine nao de angere woeëj toch efkes controlere of alles complieët waas. Tot heur stomme verbazing kwome ze der achter dê de servieze allemaol utzelfdje wore. Allemaol gewuuen effe wit.



Der waerdje hertelik oom gelache en de meiste zagte: "Ein gegaeve paerd moste neet inne bek kieke!!!"

Eine joongesdroum:

Ut waas op eine zunjig in mei, inkele Eller dörpsgenoeëte haaje beslote oom ins eine aovendj nao Echt te gaon, oom te karte oppe kartbaan van formule I coureur Jos Verstappe. Aangekome waardje der meteen ingesjreve en ut racetenue aangetrokke. Der waardje op ut sjerpst vanne snee gereje. Waat de Eller joonges neet wiste, waas dët Jos Verstappe zelf aanwezig waas. En hae zaag met groeëte uig vanaaf de pitstrat ot de manne euver de baan vlege. Nao aafloop waardje bekindj gemaakt weem de snelste coureur vanne aovendj waas. Noe laot noe ut toeval zeen, dët ooze eige super snelle Jan Verstappe de snelste waas. Dit verbaasdje Jos Verstappe en ging op zeuk nao ooze Jan Verstappe. Ze raakdje aanne kal en Jos adviseerdje Jan oom ins serieus te gaon dinke aan ein formule I carrière. Jan sting met groeëte oeëre te loestere waat Jos hum allemaol adviseerdje. En zeker oomdët Jos Verstappe gein kontraktverlinging kreeg bie Jackie Stewart. Hiemët ging Jan Verstappe nao hoes. Hae ging meteen aan ut werk. Ieërst môst der eine manager wete te vinje. Hae vroeg zien zwaoger Peter Custers oom zien belange te behartige. Peter zag dit toe en waardje teves Jan ziene team-arts, oomdët Peter dët werk mieërde-re maole heet oetgeoefendj. Der waas echter ein probleem, namelijk ut geldj. Hiejdoor is Jos Verstappe auch môtte stoppe met formule I races.

Jan Verstappe ging nao ziene baas, of der gët geldj vriej, gemaaktj kôst waere. Noe is Joos Truyen neet de beroerste oom minse in "noeëd" te helpe. Joos zeet Jan toe hum financieel te helpe, oonger ein veurwaarde, ziene naam bekintj te make inne formule I wereldj. Dit bracht Jan op ein idee en waardje de teamnaam bedachtj; "Truyen Racing Team". Noe kôst Jan aan ut werk.



En oomdët zien vrouw Elly oet ein groeëte technische femiellie kumptj, waardje Jan Custers (architect van beroep) gevraogtj oom eine auto te ontwerpe. En zoeë kôst Ron Custers (tummerman van beroep) gaon tummere aan zien bolide. Noe môst der nog eine motor in oom vanne plaats te kome. Hieveur waardje Har H. benaderdj.

En deze Har H. (dealer van beroep) zag Jan toe eine supersnelle Vio Skoda te ontwikkele. En waardje Mart S., Jan's buurman, gevraogdj oom hum as privé-monteur bie te staon, omdët Mart regelmaotig aan auto's sleuteltj. Auch waardje Haarzaak Iris benaderdj oom veur Jan ein zupersnel

kapsel te ontwikkele. Natuurlik môst der auch weer gedacht waere aanne inwendige mens. Hiej veur waardje Catering Service Marlies bereid ge-voonje. Oom met Jan met te reize, oom hum op ut sjuuste gewicht te haoje. Want eine kilo te veul is veur Jan twee sekondelangzamer. Noe dacht Jan dët der alles geregeldj haaj, mer toen; tring, tring, tring, de wëkker leep aaf en Jan Verstappe môst jaomer genoeg weer gaon wërke in Hunsel, "ut waas mer eine droum".



Taxi Marleen:

Pierre van Berbe waas al vanaaf de middig aant stappe. s Aoves bie Tjeu aanne tap waas dèt al zichtbaar. Nao de nuuëdige mupkes vurteldj te hōbbe, waas ut toch waal welletjes. Tied om te gaon slaope. Marleen en Jan Palme bringe Pierre waal efkes nao hoes. Pierre geuftj gewillig zien sleutels aan Marleen en numtj plaats achter ut steur. Pierre asse noeë ins aanne angere kantj gings zitte, den luktj mich dèt rieje auch gèt baeter, aldus Marleen.

Veilig en waal waerdje Pierre thoes gebracht. Pierre is erg dankbaar en wiltj Marleen gaer met ziene auto weer efkes trök bringe nao Tjeu.



Lee Towers bril:

Tjeu vanne Kaolder haaj eine sjoeëne Lee Towers bril op. Tjeu bèste bang dèt se ut neet allemaol mieër kins zeen? Dit is eine zieër speciale bril met vleugelkes (vleugelkes woeë hōb ich dèt mieër gehuuërdj). Hiejmet kan ich aan de rechter kantj zeen, waat aan de linker ziekantj gaondje is, volges Tjeu. Hae haaj neet inne gate, dèt ich aan de rechter kantj sting. Mien advies waas, zèt toch de bril mer aaf as dèt se nao de w.c. most.

